



UNIVERSITÄTS-
BIBLIOTHEK
PADERBORN

**Veritates Christianæ Qvæ Modvm Exhibent Benè Vivendi
Et Benè Moriendi**

Balde, Hendrik

Ipris, 1689

77. Cap. Gratia, quâ perfecti evandere possumus, à plurimis negligitur.

Nutzungsbedingungen

[urn:nbn:de:hbz:466:1-56447](https://nbn-resolving.org/urn:nbn:de:hbz:466:1-56447)

CAPVT LXXVII.

*Gratia, quâ perfecti evadere possumus,
à plurimis negligitur.*

Gratia, quâ nos ad perfectionem pro-
vehere valemus, nobis nequaquam
deest; sed plurimi desunt gratiæ, alteram-
que post alteram infructuosè perire si-
nunt, mediocri virtute contenti; ubi Deus
ad sublimem perfectionis gradum illos
perducere cupit.

Dicunt cum multis, ait Gerson, *Suf-
ficit mihi vita communis, nolo merita Apo-
stolorum, nolo volare per summa.*

*Hoc sibi sufficere existimant, inquit S. Gre-
gorius, quod pessimis antecedant.*

Quisquis sic loquitur, eoque est animo,
habet, quod metuat, ne tandem aliquan-
dò in grave prolabatur crimen; nam ut
rectè S. Augustinus (a) *Si dixeris sufficit,
perijisti.*

Deus gratias suas denegare solet ijs,
qui donis ejus abutuntur, & propriè vo-
luntatis impulsu identidem delinquant;
adèd ut Theologi Sanctique Patres doce-
ant, peccatum subsequens antecedentis
esse pœnam; propterea quòd homo per-

(a) Ser. 15. de verb. Apost.

prius

prius peccatum singulari Dei auxilio se reddat indignum, quo destitutus in alia nova labitur; quod nequiquam accidisset, si primum peccatum studiosè vitasset, aut exigua quædam bona opera, ad quæ à Deo excitabatur, exequi non neglexisset.

Huic veritati nihil prorsus opponi valet, quandoquidem ipse *Spiritus Sanctus* dicat: *qui spernit modica, paulatim decideret. & rursùm, quia tepidus es, incipiam te vomere ex ore meo.*

Multi non solum religiosi, verùm etiam alij, qui olim erant pietate conspicui, hac de causa turpiter ceciderunt, jamque in mundo, inter sempiterni integritus pericula, vitam agunt.

Maledictus, qui facit opus Domini fraudulenter; inquit Propheta Jeremias, vel ut alij legunt, negligenter.

Quis hæc considerans totis artibus non contremiscat? quis vel levissimas noxas summo studio non devitet? *Qui timet Deum, nihil negligit: inquit Sapiens.*

Neminem Deus deserit, qui sincere et studet servire, aut nisi prius ab eo deseratur. Quò longius à te digressus fueris, eò propius ad Deum accedes. Age quod potes, poteris omnia; cuncta relinque, ut cuncta invenias.